

**OKVIRNI SPORAZUM
za nabavku pogonskog goriva**

Zaključen između:

1. **Kantonalna javna ustanova Dom za djecu bez roditeljskog staranja** sa sjedištem u Sarajevu, ul. Bjelave 52, ID broj: 4200556690000, koju zastupa direktor Saudin Đurđević. / u daljem tekstu: **Naručilac** /
- i
2. **HIFA-PETROL d.o.o.** sa sjedištem u Sarajevu, ul. Hotonj bb, ID broj: 4200999090005, koju zastupa direktor Hajrudin Ahmetlić/ u daljem tekstu: **Dobavljač** /

I. UVOD

Član 1.

Na osnovu provedenog konkurentskog zahtjeva za dostavljanje ponuda u postupku javne nabavke roba – pogonsko gorivo za službena vozila, Ugovorni organ je Odlukom broj: 134-3/18 od 19.01.2018. godine odabrao ponudu Dobavljača broj 82/18 od 15.01.2018. godine kao najbolje ocjenjenu ponudu u skladu sa objavljenim kriterijem za donošenje odluke o odabiru i zahtjevima iz tenderske dokumentacije.

Ovaj Okvirni sporazum ne predstavlja obavezu Naručioca na realizaciju u bilo kojem obimu ili vrijednosti u odnosu na ugovorenu količinu.

II. PREDMET I TRAJANJE OKVIRNOG SPORAZUMA

Član 2.

Predmet ovog Okvirnog sporazuma je regulisanje međusobnih kupoprodajnih odnosa za nabavku pogonskog goriva za službena vozila KJU Doma za djecu bez roditeljskog staranja prema tenderskoj dokumentaciji i ponudi Dobavljača.

Ovaj Okvirni sporazum se sklapa **na period od 1 /jedne/ godine dana počevši od 03.02.2018. god. do 03.02.2019. godine** i predviđa sa ciljem realizacije isporuke roba tokom perioda ugovorenog ovim Okvirnim sporazumom.

U okviru zaključenog okvirnog sporazuma Ugovorne strane mogu zaključivati posebne ugovore o kupoprodaji ili isporuku predmeta nabavke vršiti po potrebi Naručioca, na osnovu dostavljene narudžbenice koja ima sve elemente ugovora, a u skladu sa uslovima definisanim ovim sporazumom.

II . CIJENA

Član 3.

- Ukupna vrijednost ovog okvirnog sporazuma (bez PDV-a) iznosi :
5.840,00 KM
- Popust iznosi: _____ - _____ %,
- Ukupna vrijednost ovog okvirnog sporazuma (bez PDV-a) i sa uključenim popustom iznosi: 5.840,00 KM,
- Vrijednost PDV-a (17%) iznosi: 992,00 KM,
- Ukupna vrijednost/cijena okvirnog sporazuma (sa PDV-om) iznosi: 6.832,00 KM,

Paraf za naručioca



Paraf za dobavljača

III. USLOVI PROVEDBE OKVIRNOG SPORAZUMA

Član 4.

Naručilac prihvata mogućnosti promjene cijena goriva u skladu sa zakonskim propisima u Bosni i Hercegovini i kretanjem cijena na svjetskom tržištu.

Dobavljač se obavezuje da će kod eventualne promjene cijena Naručiocu dostaviti (putem e-maila ili faxesa) kopiju odobrenja izdatog od nadležnog Ministarstva o važećoj cijeni naftnih derivata (OPC obrazac) sa iste benzinske pumpe za cijelo vrijeme trajanja Okvirnog sporazuma iz Kantona Sarajevo sa koje je dostavljen prilikom predaje ponude. Svaku promjenu cijene ponuđač je dužan prije dostave OPC obrazca najaviti 72 sata prije pisanim putem.

Član 5.

Ponuđač se obavezuje da će početi sa isporukom odmah po sklapanju ovog Okvirnog sporazuma na zahtjev Naručica.

Preuzimanje i isporuka goriva za službena vozila u vlasništvu Naručioca će se vršiti na benzinskim pumpama Dobavljača koja su navedene u Ponudi Dobavljača, a prema potrebi Naručioca.

Član 6.

Naručilac će vršiti plaćanje na osnovu ispostavljenih faktura Ponuđača.

Naručilac će izvršiti plaćanje fakture iz stava 1. ovog člana u roku od 60 / šezdeset/ dana od dana dostavljanja ispravne fakture.

Dobavljač je saglasan da Naručiocu neće zaračunavati zatezne kamate za zakašnjenje pri plaćanju putem trezorskog sistema plaćanja Ministarstva finansija Kantona Sarajevo, ako je Naručilac u ugovorenom roku predao nalog za plaćanje.

IV. OBAVEZE I ODGOVORNOST DOBAVLJAČA

Član 7.

Dobavljač se obavezuje izvršavati isporuke roba savjesno i odgovorno, na način određen ovim Okvirnim sporazumom sa pažnjom dobrog privrednika.

Dobavljač se obavezuje da će ugovorene robe isporučiti u skladu sa tenderskom dokumentacijom i prihvaćenom ponudom.

Dobavljač je dužan osigurati kvalitet pogonskog goriva u skladu sa zakonskim i podzakonskim propisima, donesenih od nadležnih institucija Bosne i Hercegovine.

U slučaju da ne osigura traženi kvalitet Dobavljač je odgovoran za svu štetu koju pretrpi Naručilac usljed nepostojanja kvaliteta iz stava 1. ovog člana.

Dobavljač se obavezuje čuvati sve podatke i materijale dobivene po osnovu ovog Ugovora i neće ih otkrivati i davati na upotrebu trećim licima.

V. OBAVEZE NARUČIOCA

Član 8.

Naručilac se obavezuje saradivati sa Dobavljačem tokom izvršenja isporuka roba i povremeno ga informisati o relevantnim činjenicama koje bi mogle utjecati na izvršenje ugovora.

Naručilac se obavezuje Dobavljaču platiti ugovorenu cijenu za izvršenje isporuke roba na ugovoreni način i u ugovorenom roku.

Paraf za naručioca



Paraf za dobavljača

U slučaju eventualnih propusta Dobavljača u izvršavanju isporuke roba, Naručilac se obavezuje odmah po uočavanju propusta dati Dobavljaču prigovor u pisanoj formi.

VI. RASKID OKVIRNOG SPORAZUMA

Član 9.

U slučaju da Dobavljač ne bude ispunjavao ili ukoliko ne bude u mogućnosti ispunjavati preuzete obaveze iz ovog Okvirnog sporazuma i uslova ponude ili učini povredu odredbi ovog Okvirnog sporazuma, Naručilac ima pravo jednostranog raskida ovog Okvirnog sporazuma uz pisano obavještenje.

VII. RJEŠAVANJE SPOROVA

Član 10.

Sporovi koji eventualno nastanu iz ovog Okvirnog sporazuma, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.

VIII. SASTAVNI DIJELOVI OKVIRNOG SPORAZUMA

Član 11.

Sastavni dijelovi Okvirnog sporazuma su :

- Ponuda Dobavljača broj: 82/18 od 15.01.2018. godine

IX. STUPANJE NA SNAGU OKVIRNOG SPORAZUMA

Član 12.


Ovaj Okvirni sporazum stupa na snagu danom obostranog potpisivanja, a primjenjivat će se u periodu 03.02.2018. god. do 03.02.2019. godine.

Član 13.

Okvirni sporazum je sastavljen u 4 /četiri/ istovjetna primjerka, od kojih se ugovornim stranama uručuju po 2 /dva/ primjerka.

NARUČILAC:

Kantonalna javna ustanova
Dom za djecu bez roditeljskog staranja


Saudin Đurđević, direktor

Broj: 260/18

Datum: 02.02.2018.



DOBAVLJAČ:

HIFA - PETROL d.o.o.
Sarajevo


Direktor

Broj: 82/18

Datum: 02.02.2018.



Paraf za naručioca

Paraf za dobavljača



